

全
唐
詩

全

唐

詩

全唐詩目 第九函

第十冊

陸龜蒙 十四卷

全唐詩

陸龜蒙

陸龜蒙字魯望蘇州人元方七世孫舉進士不第辟蘇湖二郡從事退隱松江甫里多所論撰自號天隨子以高士召不赴李蔚盧攜素重之及當國召拜拾遺詔方下卒光化中贈右補闕集二十卷今編詩十四卷

讀襄陽耆舊傳因作詩五百言寄皮襲美

漢臯古來雄山水天下秀高當軫翼分化作英髦圖暴秦之前人灰滅不可究自從宋生賢特立冠耆舊離騷一作紀既一作紀日月九辯即列宿卓哉悲秋辭合在風雅右龐公

樂幽隱辟聘無所就祇愛鹿門泉泠泠倚巖漱孔明臥

龍者潛伏躬耕耨忽遭玄德雲遂起鱗角闢三胡節皆
峻二習名亦茂其餘文武家相望如斥堠緬思齊梁降
寂寞寡清宵凝融爲漪瀾復結作瑩瑋不知粹和氣有
得方大受授作將生皮夫子上帝可其奏并包數公才用
以殿厥後嘗聞兒童歲嬉戲陳俎豆積漸開詞源一派
分萬溜先崇丘旦室大懼墮結構次補荀孟垣所貴亡
罅漏仰瞻三皇道蟣虱在宇宙却視五霸圖股掌弄孩
幼或能醢醢髀或與翼雛鷃或喜掉直舌或樂斬邪脰
或耨鉏翳薈或整口錯謬或如百千騎合沓原野狩又
如曉江平風死波不皺幽埋力須掘遺落貲必購乃於
文學中十倍猗頓富囊乏向盛鎬馬重遲步驟專場射

策時縛虎當羿穀歸來把通籍且作高堂壽未足逞戈
矛誰云被文繡從知偶東下帆影拂吳岫物象悉摧藏
精靈畏雕鏤伊余抱沈疾顛顛守圭竇方推洪範疇更
念大玄首聲陳詩採風俗學古窮篆籀朝朝貰薪米往
往逢責詬既被鄰里輕亦爲妻子陋持冠適甌越敢怨
不得售窘若曬沙魚悲如哭霜狄唯君枉車轍以逐海
上臭披襟兩相對半夜忽白晝執熱濯清風忘憂飲醇
酎驅爲文翰侶駕阜參驥廐有時諧宮商自喜真邂逅
道孤情易苦語直詩還瘦藻匠如見酬終身致懷袖
襲美先輩以龜蒙所獻五百言既蒙見和復示
榮唱至於千字提獎之重蔑有稱實再抒鄙懷

用伸酬謝

洪範分九疇轉成天下規河圖孕八卦煥作玄中奇先
開否臧源次築經緯基粵若魯聖出正當周德衰越疆
必載質歷國將扶危諸侯恣崛強王室方陵遲歌鳳時
不偶獲麟心益悲始嗟吾道窮竟使空言垂首贊五十
易又刪三百詩遂令篇籍光可竝日月姿向非筆削功
未必無瑕疵迨至夫子沒一作微言散如枝一作披所宗既不
同所得亦異宜名法在深刻虛玄致希夷自從戰伐來
一派縱橫馳寒谷生豔木沸潭結流澌驚奔失壯士好
惡隨纖兒嬴氏并六合勢尊丞相斯加於挾書律盡取
坑焚之南勒會稽頌北恢胡亥祗猶懷徧巡狩不暇親

維持及漢文景後鴻生方振規

三

簾揚堯舜風反作三

代吹飄飄四百載左右為藩籬鄴下曹父子獵賢甚熊

羆發論若霞駁

魏文帝與論
有論文篇

裁詩如錦摘徐王應劉輩頭角

咸相衰或有妙絕賞或為獨步推或許潤色美或嫌詆

訶癡倏以中利病且非混醇醅雅當乎魏文麗矣哉陳

思不冒少選妄恐貽後世嗤吾祖仗才力

十衡
文賦

華車蒙虎

皮手持一白旄直向文場麾輕

去聲

若脫鉗欽豁如抽炭

虜精鋼不足利驤裹何勞追大可罩山岳微堪析毫釐

十體免負贅百家咸起瘕爭入鬼神與不容天地私一

篇邁華藻萬古無子遺刻鵠尚未已雕龍奮而為

劉勰有
文心雕

龍劉生吐英辯上下窮高卑下臻宋與齊上指軒從羲

豈但標八索殆將包兩儀人謠洞野老騷怨明湘纍立
本以致詰驅宏來抵穢清如朝雪嚴緩若春煙羸或欲
開戶牖或將飾纓綬雖非倚天劍亦是囊中錐皆由內
史意致得東莞詞梁元盡索虜後主終亡隋哀音但浮
脆豈望分雄雌吾唐揖讓初陞列森咎夔作頌媿吉甫
直言過祖伊明皇踐中日墨客肩參差岳淨秀擢削海
寒光陸離皆能取穴鳳蓋擬乘雲螭邇來二十祀俊造
相追隨余生落其下亦值文明時少小不好弄遂巡奉
弓箕雖然苦貧賤未省親嚙哺秋倚抱風桂曉烹承露
葵窮年只敗袍積日無晨炊遠訪賣藥客閑尋捕魚師
歸來蠹編上得以含情窺抗韻吟比雅覃思念梔櫛因

知昭明前剖石呈清琪又嗟昭明後敗葉埋芳蕤縱有
月旦評未能天下知徒爲強貌豹不免參狐狸誰蹇行
地足誰抽刺天髻誰作河畔草誰爲洞中芝誰若靈囿
鹿誰猶清廟犧誰輕如鴻毛誰密如凝脂誰比蜀巖靜
誰方巴賁賞誰能釣抃鼇誰能灼神龜誰背如火火誰
同若墳箎誰可作梁棟誰敢驅音鹿谷蠹音鹿用此常不快無
人動交鉞空消病裏骨枉白愁中髭鹿門先生才大小
無不怡就彼六籍內說詩直解頤顧我迷未遠開懷潰
其疑初開一作看鑿本源漸乃疏旁支邃古派泛濫皇朝光
赫曦揣摩是非際一一如襟期李杜氣不易孟陳節難
移信知君子言可竝神明著枯腐尚求律膏肓猶謁醫

況將太牢味見啗通懸飢今來置家地正枕吳江湄
餽薄鉤不曲是然守空坻嘿坐無影響唯君欸茅茨抽書
亂籤帙酌茗煩甌犧或伴補缺砌或偕詣荒祠孤筇倚
煙蔓細木橫風漪觸雨妨扉屨臨流泥江灘既狎野人
調甘爲豪士一作嘗不敢負建鼓唯憂掉降旗希君念餘
勇挽袖登文碑

奉酬襲美先輩吳中苦雨一百韻

微生參最靈天與意緒拙人皆機巧求百逕無一達家
爲唐臣來奕世唯稷禹只垂青白風凜凜自貽厥

龜蒙五代祖六

代祖皇朝繼在台輔

猶殘賜書在編簡苦斷絕其間忠孝字萬古光

不滅孱孫誠嘗味有志常捐捐敢云嗣良弓但欲終守

節誼譁不入耳讒佞不挂舌仰詠堯舜言俯遵周孔轍
所貪既仁義豈暇理生活縱有舊田園拋來亦蕪沒因
之成否塞十載真契濶凍餒一襜褕飢腸少糠粃甘心
付天壤委分任迴斡笠澤臥孤雲桐江釣明月盈筐盛
芡芰滿釜煮鱸膾酒幟風外飭茶槍露中擷茶芽未展者曰
槍已展者曰旗

歌謠非大雅捃摭爲小說上可補熏莖傍堪跼

一作
蹈芽蘖

龜蒙嘗著
稗說三卷

方當賣醫罩盡以易紙札縱跡尚吳門夢魂先

魏闕尋聞天子詔赫怒誅叛卒宵旰憫烝黎謨

一作
謀明問

征伐王師雖繼下賊壘未即拔此時淮海波半是生人

血霜戈驅少壯敗屋棄羸耄踐蹋比塵埃焚燒同稿秸

吾皇自神聖執事皆間傑射策亦何爲春卿遂聊輟伊

余將貢技未有耻可刷却問漁樵津重耕煙雨撥諸侯
急兵食冗膳方翦截不可抱一作把詞章巡門事干謁歸來

闔蓬櫬壁立空豎褐煖手抱孤煙披書向殘雪幽憂和

憤懣忽愁一作忽自驚蹶文兮之寸毫武也無尺鐵平生所

韜蓄到死不開豁念此令人悲翕然生內熱加之被鞞

瘃況復久藜糲既爲霜露侵一臥增百疾筋骸將束縛

騰理如筆撻初謂抵狂貙又如當毒蝎江南多事鬼巫

覲連甌粵可只是妖訛恣情專賞罰良醫只備位藥肆

或虛設而我正萎痿安能致訶咄椒蘭任芳苾精一作精糲

從羅列醖竿既屢傾錢刀亦隨熱兼之瀆財賄不止行

盜一作盜竊天地如有知微妖豈逃殺其時心力憤益使氣

息惷永夜更呻吟空牀但皮骨君來贊賢牧野鶴聊簪
笏謂我同光塵心中有溟渤輪蹄相壓至問遺無虛月
首一作直到春鴻濛猶殘病根茛看花雖眼暈見酒忘肺渴
隱几還自怡逢盧亦爭喝抽毫更唱和劒戟相磨戛何
大不包羅何微不挑剔今來值霖雨晝夜無暫歇雜若
碎淵淪高如破轆轤何勞鼉吼岸詎要鶴鳴埵祇意江
海翻更愁山岳裂初驚蚩尤陣虎豹爭搏噬又疑伍胥
濤蛟蜃相蹙拶千家濛濛練忽似好披拂萬瓦垂玉繩
如堪取縈結況余居低下本是蛙蚓窟邇來增號呼得
以恣唐突先夸屋舍好又恃頭角凸厚地雖直方身能
徧穿穴常參莊辯裏亦造揚玄末偃仰縱無機形容且

相忽低頭增歎詫到口復嚙咽沮洳漬琴書莓苔染巾
襪解衣換倉粟秋稗猶未脫飢鳥屢窺臨泥僮苦舂師
伐音或聞秋稼穡大半沈澎汜耕父蠹齊民農夫思旱魃
吾觀天之意未必洪水割且要虐飛龍又圖滋跋鼈三
吳明太守左右皆儒哲有力即扶危懷仁過救暍鹿門
皮夫子氣調真俊逸截海上雲鷹橫空一作天下霜一作鶴鵲文
壇如命將可以持玉鉞不獨宸羲軒便當城老佛顧余
爲山者所得纔實撮譬如飾箭材尚欠鏃與筈閑將飲
兒唱強倚帝子瑟幸得遠瀟湘不然嗤賈屈開緘窺寶
肆璣貝光比櫛朗詠衝樂懸陶匏響鏗搗古來愁霖賦
不是不清越非君頓挫才沴氣難摧折馳情扣虛寂力

盡無所掇不足謝徽音祇令凋鬢髮

奉酬襲美先輩初夏見寄次韻

積雨晦臯圃門前煙水平蘋蘩增遙吹枕席分餘清村
旆詫酒美賒來滿經程一作然未必減宣子何羨謝公榮借
宅去人遠敗牆連古城愁鴟占枯枿野鼠趨前楹昨日
雲破損晚林先覺晴幽篁倚微照碧粉含疎莖蠹簡有
遺字牧一作疾琴無泛聲蠶寒繭尚薄驚喜雛新成覽物正
搖思得君初夏行誠明復散誕化匠一作工安能爭海浪刷
三島天風吹六英洪崖領玉節坐使虛音生吾祖傲洛
客因言幾爲儉末裔實漁者敢懷干墨卿唯思釣璜老
遂得持竿情何須乞鵝炙豈在斟羊羹畦蔬與甕醪便